

آبونه شرائطی

داخلی ، خارجی مریر ایچون  
سنه لکی (۲۵۰) ، آلتی آیانی  
(۱۳۰) غروشندور.

[ نسخہ سی ۵ غروش ،  
سنه لکی ۵۲ نسخہ در . ]

اداره خانہ

باب عالی جادہ سنہ دائرہ مخصوصہ

اخطارات

آبونه بدلی پشیندر

مسئکہ موافق آثار مع المنونہ  
قبول اولنور . درج ایملہ  
یازیلر اعادہ اولونماز .

# الکلیات

تسیر

دینی ، فلسفی ، علمی ، ادبی ہفتہ لوق مجموعہ اسلامیہ در

واللہ یهدی من یشاءالی صراط مستقیم

باش محرر  
محمد ماکف

صاحب و مدیر مسئول  
اشرف ادیب

اتبعون اهدکم سبیل الرشاد

عدد : ۳۶۶

۱۵ ذی القعدہ ۱۳۳۶

پنجشنبہ

۲۲ آگستوس ۱۳۳۴

جلد ۱۵

## آیات فرقانیه

«الذین اذا أصابتهم مصیبة قالوا انا لله وانا الیه راجعون»

سوره بقره ، آیت ۱۵۷

جناب حق بآیت کریمه صابر لک اوصافندن برین ذکر ایله شویله بیوریور : آنلرکه [اوصابر لک] کندیلرینه بر مصیبت اصابت ایلدکده «انا لله وانا الیه راجعون» بز مخلوقین خدایز ، ینه اکا رجوع ایدرز «دیرلر» .

مقصد ، آنلر بوجهلین ولوکه مناسانی تعقل ایتکمزین مجرد تکلم ایدرلر دیمک دکدر ؛ مراد ، انلر الاهدن کلوب ینسه الله کتدکلرینی وهر شینک ملکوتی ید الهمده اولدیغنی وحکمت علیه نهی ایجاب ایتمش وسنة الله تعبیر اولنان نظام الهی نهی اختیار ایلش ایسه ذات الوهیتی آنجق انی ایشله دیکنی معتقد و متعقل اولدقلرندن بو معنایی تعقلک سوقیله لسانلرندن هنکام مصیبتده بو جمله صدور ایدیورلر دیمکدر . ایمدی بواعتقاد و تعقلی حائر اولانلر ، ایمان و تسلیم جه اولیله بر صبره جدیر وجسباندرلرکه اوصبر ایله جزع آنلرک نفسلرینه استیلا ایتز و مصائب آنلرک همتلرینی تقصیر ایتوب بالعکس ثبات و مواظبتلرینی تزید ایدر .

قَالَ رَحِمَهُ اللهُ دِیدِی که صبر ، انسان مکروهک المنی حس ایتامک و یاخود مکروهدن اکراه ایله مامک دکدر ، زبرا بو ممکن دکدر . صبر ، آنجق نفسی جزعک اظهارینی ترکه سوق ایله مکدر . شو حالده حزن کظم اولنوبده نفس آنک آثارینی ابرازدن منع ایلدکده کوز یاشی کورتسه و یالون تغیر ایتسه بیله او حزنک صاحبی صابر اولور - ف . انسانک مصیبت زماننده اولان حزنی صبر و تبتیه منافی دکدر ، بو مرحمتدن ورق قلدن نشأت ایدر . بر انسانده بو مرحمت مفقود اولسه قانی یورکلکی بر آدم اولورکه آندن نه خیر او مولور ، نه شرندن امین اولنور . جزع مذموم ، مصائب و نوابده جهاهیر ناسده مشاهده ایتدیکمز اوزره ، صاحبینی مصیبتدن ناشی اعمال مشروعیهی ترکه و شرعک نهی ایلدیکی و عقلک قبیح کوردیکی عادات و اعمال مذمومه مضره بی اخذه سوق ایدندر . صحیحینده ورود ایلدی که رسول اکرم صلی الله علیه وسلم افندمز ، اوغلی جناب ابراهیم حالت نزعه کلدکده بکا ایلدی و : سن بز ی بوندن نهی ایتامشی ایدک؟ سؤالنه جواب آدخی بونک مرحمت اولدیغنی اخبار ایدوب «ان العین تدمع والقلب یحزن ولانقول الامایرضی ربنا وانا بفراقک یا ابراهیم لحزونون» کوز آغلار ، قلب محزون اولور ، بز رمزک خشنود و راضی اولدیغندن بشقه برشی سویله مهیز ، بز سنک فراقکه یا ابراهیم یک محزونز ، دیدی . بونی شیخین حدیث انس دن روایت ایلدیله - ع

«اولئک علیهم صلوات من ربهم ورحمة واولئک هم المهدون»

سوره بقره ، آیت ۱۵۸

جناب حق ، بلائی ذکر واکا صبر ایدنلری تبشیر ایلدکدن وضابرینی بشارته مستحق ایدن وصفی ده علاوه ایتدکدن صکره شمدی ده اجلاً بیان مکافات ایله شویله بیوریور : آنلر ، ربلرندن اوزرلرینه صنوف تکریم و رأفت فیضان ایدنلردر . [اوقات مصائب و شدائدده یا بلسی ایجاب ایدن اموره] هدایت و ارشاد اولنانلردر . [عین و مشاق عزم و جلا دتلرینه مانع اولدیغندن آنلر علونفس و کرم اخلاق ایله دنیانک خیر و راحت نائل و سعادت آخرته مستعد اولورلر] . صلوات ، صلاتک جمعی در . صلاة : فی الاصل ، دعا معنانه در . جناب حق «وصل علیهم» بیوردی که آنلره دعا ایت دیمکدر - ق ، ش . بوراده صلوات ایله مراد ، انواع تکریم و نجات و عندالله و عندالناس اعلاء منزلدر - ع . صلاتک جمع صیغه سیله ایرادیورلمسی ، کثرت و تنوعه تبتیه ایچوندر - س . رحمت ایله مراد ، لطف و احساندر و تنوینی تفخیم اولقله جمع صیغه سیله ایراد ایلدکدن مستغنی اولشددر - ق ، ش . برکت زاده

اسماعیل حق

## حدیث شریف

امتناره دار

الجالب مرزوق والمحتکر ملعون

ماک شریفی :

(بولالسون دینه) ارزاق جلب ایدن کیمسه مرزوقدر .  
محتکرده ملعوندر .  
راویسی عمر بن الخطاب رضی الله عنه ، مخرجی ابن ماجه در .

\*\*

من احتکر علی المسلمین طعامهم ضربه الله بالجدام والافلاس .

ماک شریفی :

مسلمینک بیه جکی طعامی بهایه چیقسون دینه جس ایدن کیمسه بی حق تعالی جدام ایله افلاسه چاربار . یاخود چار بسون .  
راویسی ینه عمر رضی الله عنه ، مخرجاری امام احمد بن حنبل ایله ابن ماجه در .

بو حدیث شریفی اصهبانی ایله ابو یعلی عثمان رضی الله عنک مولاسی فروخدن نقلاً و ابویحیی المکی طریقندن ذها تفصیلی اولارق روایت ایتشلردر . شویله که :